

Ֆինանսական միջնորդների շրջանակ (FIF) - Արևելյան գործընկերության երկրներում Կանայք բիզնեսում (WiB) ծրագրի շրջանակներում «Ամերիաբանկին» տրամադրվող վարկ II

Երկիր՝
ՀԱՅԱՍՏԱՆ

Ծրագրի համարը՝
53101

Բիզնես ոլորտ՝
Ֆինանսական հաստատություններ

Պետական/մասնավոր՝
ՄԱՍՆԱՎՈՐ

Բնապահպանական կատեգորիա՝
ՖՀ

Հաստատման ամսաթիվը՝
14-ը դեկտեմբերի, 2021

Կարգավիճակը՝
Գտնվում է ուսումնասիրության փուլում, վերջնական ստուգման ընթացքում է

Ծրագրի ամփոփ փաստաթղթի (ԾԱՓ) անգլերեն տարբերակի
հրապարակման ամսաթիվը՝
14-ը դեկտեմբերի, 2021

Տեղեկությունների հասանելիության մասին Հրահանգի բաժին 1.4.2 (iii)-ի համաձայն. «Բանկի
ղեկավարության կողմից հաստատված ծրագրերի դեպքում, երբ Տնօրենների խորհուրդը պատվիրակել է
հաստատման լիազորությունը, ԾԱՓ-ը պետք է հրապարակվի Բանկի անդամ-երկրին տրվող՝
«առարկություններ չկան» համապատասխան ծանուցման ժամկետի սկզբում, ՎՁԵԲ-ի հիմնադրման մասին
Համաձայնագրի Հոդված 13 (iii) -ի համաձայն»:

Ծրագրի նկարագրություն

«Ամերիաբանկին» մինչև 10 մլն ԱՄՆ դոլարի չափով առաջնային չապահովված վարկի տրամադրում՝ Արևելյան գործընկերության երկրներում Կանայք բիզնեսում (WiB) ծրագրի շրջանակներում կանանց կողմից ղեկավարվող ՄՓՄՁ-ների հետագա վարկավորման նպատակով:

Ծրագրի նպատակները

Առաջարկվող վարկը կնպաստի կանանց ձեռներեցության զարգացմանը և կանանց մասնակցությանը բիզնեսին՝ ավելի հասանելի դարձնելով ֆինանսավորումը, գիտելիքներն ու խորհրդատվությունը: Այն էլ ավելի կամրապնդի «Ամերիաբանկի» հաճախորդների բազան և կխրախուսի ու կաջակցի տեղական բանկային հատվածում նոր պրոդուկտների զարգացմանը՝ հատուկ ուշադրություն դարձնելով կանանց ՓՄՁ-ներին և միջնաժամկետ ու երկարաժամկետ ֆինանսավորման աճին:

Ազդեցությունն անցումային շրջանի վրա

Վաղ անցումային շրջանի վրա ազդեցության ցուցանիշը՝ 80

Ներառական. Ծրագիրը կլրացնի Հայաստանում ֆինանսների հասանելիության առումով «միջին» բացը, որը կապված է գեղդերային ներառման հետ: Տեխնիկական համագործակցության (ՏՀ) և առանց ՏՀ բաղադրիչների հետ համատեղ, Կանայք բիզնեսում (WiB) վարկը կխրախուսի «Ամերիաբանկին» շարունակել փոփոխություններ կատարել իրենց բիզնես մոդելում և իրականացման մեխանիզմներում, ինչպես նաև մշակել, փորձարկել և ներդնել նոր ֆինանսական պրոդուկտներ, որոնք հարմարեցված են կանանց կողմից ղեկավարվող ՄՓՄՁ-ների համար՝ հատուկ ուշադրություն դարձնելով միկրո ձեռնարկություններին, նորաստեղծ ձեռնարկություններին և նոր հաճախորդների ներգրավմանը:

Մրցակցային. Ֆինանսական միջնորդների շրջանակի (FIF) շուկայի ընդլայնման նպատակներին համահունչ, ծրագիրը կաջակցի «Ամերիաբանկի» կողմից Հայաստանում կանանց կողմից ղեկավարվող ՄՓՄՁ-ների վարկավորմանը՝ ՎՁԵԲ-ի ֆինանսավորման 1.3 անգամի չափով: Ակնկալվում է, որ այս գործարքը կխրախուսի «Ամերիաբանկին» էլ ավելի ընդլայնել կանանց կողմից ղեկավարվող ՄՓՄՁ-ների ֆինանսավորումը ՎՁԵԲ-ի ներդրումներից վեր՝ կենտրոնանալով մարզերում իրազեկման և նոր հաճախորդների վրա:

Հաճախորդը

«Ամերիաբանկ» ՓԲԸ

«Ամերիաբանկը» Հայաստանի բանկային ոլորտի 17 բանկերից ամենախոշորն է իր ընդհանուր ակտիվներով (շուկայում մասնաբաժինը՝ 15,7%, իսկ հաշվեկշիռը՝ 2,2 մլրդ

ԱՄՆ դոլար 2021թ. երրորդ եռամսյակի դրությամբ): «Ամերիաբանկը» նաև շուկայի առաջատարն է սեփական կապիտալի չափի, վարկային պորտֆելի և զուտ շահույթի ցուցանիշներով: Այն ունի 22 մասնաճյուղ խոշոր քաղաքներում և ամենաբնակեցված մարզերում, որտեղ աշխատում է ավելի քան 1100 աշխատակից:

ՎՉԵԲ-ի կողմից տրամադրվող ֆինանսավորում

10,000,000.00 ԱՄՆ դոլար

Ծրագրի ընդհանուր գումարը

10,000,000.00 ԱՄՆ դոլար

Հավելյալություն

Ֆինանսավորման կառուցվածքը. ՎՉԵԲ-ը կտրամադրի նպատակային ժամկետային ֆինանսավորում (միջին կամ երկար ժամկետով), որն այլապես հասանելի չէ Հայաստանում ֆինանսական հաստատությունների և ընկերությունների համար:

Ստանդարտների սահմանում. օգնում է ծրագրերին ու հաճախորդներին հասնել ավելի բարձր չափանիշների. Կանայք բիզնեսում (WiB) վարկը ուղղված կլինի կանանց կողմից ղեկավարվող ՓՄՁ-ների համար ֆինանսավորման հասանելիության բացերին և մասնավոր հատվածի հաստատությունների կամ այլ ՄՖՀ-ների կողմից այդ բացին ինտեգրված արձագանքի բացակայությանը: Հավելյալության մասին վկայում է ՏՀ աջակցության և ռիսկի ապահովագրության առկայությունը, որը նպատակաուղղված է աջակցելու «Ամերիաբանկին» մեծացնել Կանայք բիզնեսում (WiB) թերզարգացած հատվածի վարկավորումը: «Ամերիաբանկը» նաև կշահի ՎՉԵԲ-ի նախկին փորձից՝ Արևելյան գործընկերության երկրներում «խորհրդատվություն փոքր բիզնեսին» գործունեության և առանձին Կանայք բիզնեսում (WiB) գործառնությունների, ինչպես նաև ՎՉԵԲ-ի գործունեության այլ երկրներում համապատասխան փորձից:

Բնապահպանական և սոցիալական ազդեցության ամփոփ նկարագիր

Դասվել է ՖՀ(FI) կատեգորիայի (Բնապահպանական և սոցիալական քաղաքականություն, 2019թ.): Ամերիաբանկի գործունեությունը, ինչպես նաև առկա վարկերի գծով ներկայացված բնապահպանական և սոցիալական (ԲՍ) տարեկան հաշվետվությունները բավարար են գնահատվել: «Ամերիաբանկից» պահանջվում է շարունակել համապատասխանել ԳՊ 2, 4 և 9-ին, իրականացնել կիրառելի բնապահպանական և սոցիալական ընթացակարգերը, ինչպես նաև ՎՉԵԲ-ին ներկայացնել տարեկան բնապահպանական և սոցիալական հաշվետվություններ:

Տեխնիկական համագործակցություն և դրամաշնարհային ֆինանսավորում

ՏՀ. Ամերիաբանկը կօգտվի Արևելյան գործընկերության երկրներում Կանայթ բիզնեսում (WiB) ծրագրի շրջանակներում տեխնիկական աջակցությունից, որը ֆինանսավորվում է Շվեդիայի միջազգային զարգացման համագործակցության գործակալության (Sida), ՎՉԵԲ-ի Վաղ անցումային շրջանում գտնվող երկրների հիմնադրամի (ETCF) և ԵՄ-Հարևանության ներդրումային հարթակի (EU-NIF) կողմից ԵՄ-ն՝ Բիզնեսի համար (EU4Business) նախաձեռնության միջոցով: ՏՀ-ն ներառում է երկու փոխկապակցված բաղադրիչ. (i) Ծրագրի իրականացման համար մասնավոր ֆինանսական հաստատությունների կարողությունների զարգացում և Ծրագրի խթանմանն ու կառավարմանը աջակցող մի շարք միջոցառումներ, (ii) կանանց կողմից ղեկավարվող ՓՄՁ-ների համար գիտելիքի հասանելիությունը (խորհրդատվություն փոքր բիզնեսին):

Առանց ՏՀ. Ծրագիրն ապահովված է Առաջին վնասների ռիսկի ապահովագրությամբ՝ մինչև վարկային պորտֆելի 10%-ի չափով, ՎՉԵԲ-ի՝ Փոքր բիզնեսի վրա ազդեցության հիմնադրամի կողմից ֆինանսավորվող ցանկացած առանձին ենթավարկի համար գործում է 70% սահմանաչափ:

Ընկերության կոնտակտային տվյալները

mailto:nulloffice@ameriabank.am

<https://ameriabank.am/>

Անցումային շրջանի ընկալումը

[Այստեղ](#) կարող եք լրացուցիչ տեղեկություններ գտնել առ այն, թե ինչ մոտեցումներ է կիրառում ՎՉԵԲ-ը անցումային շրջանում առաջընթացի վրա ազդեցությունը չափելու համար:

Բիզնես հնարավորություններ

Բիզնես հնարավորությունների կամ գնումների համար դիմե՛ք հաճախորդի ընկերությանը:

ՎՉԵԲ-ի հետ կապված (գնումներին չառնչվող) բիզնես հնարավորությունների համար դիմե՛ք.

Հեռ.՝ +44 20 7338 7168

Էլ-փոստ՝ projectenquiries@ebrd.com

Պետական ոլորտում ծրագրերի համար այցելե՛ք [ՎՉԵԲ-ի գնումները](#):

Հեռ.՝ +44 20 7338 6794

Էլ-փոստ՝ procurement@ebrd.com

Ընդհանուր հարցումներ

Կարող եք անել կոնկրետ հարցումներ՝ օգտագործելով [ՎՇԵԲ-ի հարցումների ձևաթուղթը](#):

Բնապահպանական և սոցիալական քաղաքականություն (ԲՍՔ)

[ԲՍՔ-ն](#) և դրա հետ կապված՝ Գործունեության նկատմամբ պահանջները (ԳՊ-ներ) սահմանում է այն ուղիները, որոնց միջոցով ՎՇԵԲ-ն իրականացնում է իր հանձնառությունը՝ խթանել «Էկոլոգիապես առողջ և կայուն զարգացումը»: ԲՍՔ-ն և ԳՊ-ները պարունակում են հատուկ դրույթներ, ըստ որոնց հաճախորդները պետք է համապատասխանեն տեղեկությունների հրապարակայնացման և խորհրդատվության մասին ազգային օրենքների կիրառվող պահանջներին, ինչպես նաև ստեղծեն բողոքարկման մեխանիզմ՝ շահագրգիռ կողմերի մտահոգությունները և բողոքները ստանալու և լուծումները դյուրացնելու նպատակով, մասնավորապես, հաճախորդի և ծրագրի կողմից բնապահպանական և սոցիալական ասպեկտների կատարողականի վերաբերյալ: Կախված ծրագրի բնապահպանական և սոցիալական ռիսկերի և ազդեցությունների բնույթից և մասշտաբից, ՎՇԵԲ-ը լրացուցիչ պահանջում է, որ իր հաճախորդները, անհրաժեշտության դեպքում, տեղեկություն հրապարակեն ծրագրից բխող ռիսկերի և ազդեցությունների մասին կամ բովանդակալից խորհրդակցություններ անցկացնեն շահագրգիռ կողմերի հետ, դիտարկեն նրանց կարծիքներն ու արձագանքեն դրանց:

Այս կապակցությամբ ՎՇԵԲ-ի գործելակերպի վերաբերյալ ավելի մանրամասն տեղեկությունները ներկայացված են [ԲՍՔ](#)-ում:

Բարեվարքություն և համապատասխանություն

ՎՇԵԲ-ի՝ Համապատասխանության վերահսկման գլխավոր տնօրենի գրասենյակը (ՀՎԳՏԳ) խթանում է լավ կառավարումը և ապահովում բարեվարքության բարձրագույն չափանիշների կիրառումը Բանկի գործունեության բոլոր ասպեկտներում՝ միջազգային լավագույն փորձի համաձայն: Բանկի բոլոր հաճախորդների վերաբերյալ իրականացվում է բարեվարքության պահանջներին համապատասխանության ստուգում-ուսումնասիրություն՝ համոզվելու, որ ծրագրերը չեն պարունակում Բանկի համար անընդունելի ռիսկեր բարեվարքության կամ հեղինակության առումով: Բանկի համոզմամբ, ծրագրի գնահատման և հաստատման փուլերում խնդիրների հայտնաբերումն ու լուծումը Բանկի գործարքների բարեվարքության ապահովման ամենաարդյունավետ միջոցներն են: ՀՎԳՏԳ-ն առանցքային դեր է կատարում պաշտպանիչ այս գործողություններում, ինչպես նաև օգնում է վերահսկել բարեվարքությանն առնչվող ռիսկերը ծրագրերի հետներդրումային փուլերում:

ՀՎԳՏԳ-ն նաև պատասխանատու է ՎՉԵԲ-ի կողմից ֆինանսավորվող ծրագրերում կեղծիքի, կոռուպցիայի և չարաշահման կապակցությամբ մեղադրանքների հետաքննության համար: Ցանկացած անձ, ինչպես Բանկի ներսում, այնպես էլ նրանից դուրս, ով կասկածներ ունի, որ առկա են կեղծիքի կամ կոռուպցիայի դեպքեր, պետք է գրավոր զեկույց ներկայացնի Համապատասխանության վերահսկման գլխավոր տնօրենին էլ-փոստով՝ compliance@ebrd.com: Խնդիրների մասին բոլոր զեկույցները կքննվեն ՀՎԳՏԳ-ի կողմից՝ հետագա քայլերը որոշելու նպատակով: Քննվելու են բոլոր զեկույցները, այդ թվում՝ անանուն զեկույցները: Չեկույցները կարող եք ներկայացնել Բանկի կամ Բանկի գործունեության ցանկացած երկրի լեզվով: Տեղեկությունը տրամադրելիս անհրաժեշտ է դրսևորել բարեխիղճ մոտեցում:

Տեղեկությունների հասանելիության քաղաքականություն (ՏՀՔ)

ՏՀՔ-ն սահմանում է, թե ինչպես է ՎՉԵԲ-ը հրապարակայնացնում տեղեկությունները և խորհրդակցում շահագրգիռ կողմերի հետ, որպեսզի 2020թ. հունվարի 1-ից ուժի մեջ մտնելուց հետո նպաստի ՏՀՔ-ի ռազմավարությունների, քաղաքականությունների և գործառնությունների մասին ավելի լավ իրազեկմանն ու ընկալմանը: Խնդրում ենք այցելել [Տեղեկությունների հասանելիության քաղաքականության](#) կայքէջը՝ պարզելու, թե ինչ տեղեկություն կա ՎՉԵԲ-ի կայքում:

Տեղեկություններ ստանալու համար կարող եք կոնկրետ հարցումներ ներկայացնել՝ օգտագործելով [ՎՉԵԲ-ի հարցումների ձևաթուղթը](#):

Ծրագրերի հաշվետվողականության անկախ մեխանիզմ (ԾՀԱՄ)

Եթե Հաճախորդի կամ Բանկի հետ բնապահպանական և սոցիալական ասպեկտների կամ հրապարակայնացման հետ կապված խնդիրների լուծմանն ուղղված ջանքերն (օրինակ, Հաճախորդի՝ Ծրագրի մակարդակով բողոքարկման մեխանիզմի կամ Բանկի ղեկավարության հետ անմիջական ներգրավման միջոցով) ապարդյուն են, ապա անհատներն և կազմակերպությունները կարող են դիմել ՎՉԵԲ-ի՝ Ծրագրերի հաշվետվողականության անկախ մեխանիզմին (ԾՀԱՄ)՝ իրենց մտահոգող խնդիրների լուծումը ստանալու համար:

ԾՀԱՄ-ն անկախ եղանակով քննում է Ծրագրի հետ կապված խնդիրները, որոնք, ենթադրաբար, վնաս են պատճառել (կամ, հավանաբար, կարող են վնաս պատճառել): Մեխանիզմի նպատակն է աջակցել Ծրագրի շահագրգիռ կողմերի միջև երկխոսությանը՝ շրջակա միջավայրի, սոցիալական ասպեկտների և հրապարակայնացման հետ կապված խնդիրները լուծելու նպատակով, պարզել, արդյոք Բանկը համապատասխանել է իր իսկ [Բնապահպանական և սոցիալական քաղաքականությանը](#) կամ իր՝ [Տեղեկությունների հասանելիության քաղաքականությանը](#)՝ Ծրագրին վերաբերող կոնկրետ դրույթներին, և, անհրաժեշտության դեպքում, վերացնել այդ քաղաքականություններին վերաբերող ցանկացած անհամապատասխանություն՝ միաժամանակ կանխելով Բանկի անհամապատասխանության դեպքերն ապագայում:

Խնդրում ենք այցելել [Ծրագրերի հաշվետվողականության անկախ մեխանիզմի կայքէջը](#)՝ իմանալու ավելին ԾՀԱՄ-ի և նրա լիազորությունների մասին, ինչպես [Դիմում ներկայացնել](#) ստուգում անցկացնելու համար, կամ կապ հաստատել ԾՀԱՄ-ի հետ էլ-փոստով ipam@ebrd.com՝ ԾՀԱՄ-ի և դիմում ներկայացնելու վերաբերյալ ուղղորդում և լրացուցիչ տեղեկություններ ստանալու համար: